

中國佛寺志叢刊

趙樣初



明・周永年輯

吳都法乘
(一)

廣陵書社

吴都法乘

吴都法乘，三十卷，明周永年辑。民国二十五年（1936）上海据清初抄本石印本。

周永年，字安期，明末吴江（今江苏苏州）人，诸生，少负才名，工诗文。晚年避乱居吴中西山，未几而没。著诗累万言，除本书外，尚有《怀响斋词》，《邓尉山圣恩寺志》等。

吴都，即指今江苏苏州。苏州历代皆是繁华地，佛教很是兴盛。是书辑录佛教文献中有关吴都释氏典故。共分为三十卷，每卷冠以韵语小序，所引多注出书名。有些卷因篇幅较大，复分子卷，实有四十二卷。《四库总目》著录十二卷，实际仅是原书的前半部。

卷一至卷三十依次为始兴、显圣、应现、袈灯、开宝、逸格、禅藻、表刹、坛宇、像设、道路、弘通、结集、礼诵、呗赞、灵祐、崇护、侣净、憩寂、储供、普慈、清信、敬佛、倡缘、提策、道行、襍举、总略。

余嘗憾釋氏文苑自宏明集外未嘗萃以成巨觀者
佛教真諦本不在語言文字況于章句贅調抑尤糟
粕雖然處此情蓋世間一切意義舍言文固無所附
麗觀感彈味胥必假是為涂徑而破邪顯正戲往察
來為用尤著故三藏十六部之結集非得已也末流
崇偽競浮裨販文藻為生活于真諦固全沒交涉然

披沙揀金其價自在吾人今日幸稍具知而力于古
德碩學單詞片句以訖臣著鴻篇存護流通以冀其
傳之永廣抑亦非異人責歟周永年所輯吳郡法乘
向無刊本此鈔稿凡三十卷有潢川吳氏收藏圖印
蓋乾隆以前物流轉於荒山破剝中有年矣沐者以
乾成和尚及李印泉居士之目緣獲現于世殊非偶

然磧砂全藏印行既畢後同人因歡喜踴躍以誌事
於此凡八閱月告藏于是日中梵剎文獻得廣播于
凡民之心目處此大道晦盲之際其功德將不可思
議即編中諸人與專集者其文字賴是而傳以世法
論發潛聞幽力豈下于掩骼埋胔橫流滿地寰宇荆
榛血肉搏噬庚氣盈溢吾徒方生死顛晦不知所可

顧猶得于劫灰之際奏此區々之績歟亦得竊比於
風雨鷄鳴之一細響也歟春和景明百昌蘇茁天時
人事或有異于一陽之復然固未可考也摩挲此冊
念及中山水清響移存集菴蒼雪或有倦而起者三
生石在清事斯語

中華民國二十五年四月遐菴居士葉恭綽序



吳都法乘序

吳都法乘三十卷蓋有明吳江周永年安期先生之所纂輯也先生爲恭肅公用之曾孫忠毅公宗建之兄當崇禎之季世以清節力學聞于時自邦君大夫以至湖海士人多知其名而爭相延佇先生泊然不顧惟以著述爲務俾後之覽者知千載浮提儼然華藏世界大事因緣宛若龍象長流方之聲塵煊赫于當世轉瞬隨逝水以唐捐者其胸次識力顧可同日而語哉先生著述甚多其幸免于劫火者有鄧尉山聖恩寺志余于往歲旣爲寺僧校讎而梓行之矣獨于是書數數求之而未得歲丙寅搜採虎阜金石于清怡親王祠見此舊抄本于是欣然以喜商之主僧得旬日期亟假歸斥資倩鈔胥二十人秉燭兼書如期而竣欲付之剞劂以廣流傳顧茲事體大獨力難任又以人事蹉跎卒卒未遑今裕甫諸公舉以印行書且成走筆以相告曰此書與君有甚深因緣是不可以不序余旣喜覺士波光歷塵劫以煥耀珠林法苑晦百世而重昭將見樂郊樂土頓還南朝四百之舊觀梵行梵天本爲有情一生之甯處仰彼前修欽此達識

業海不波功德無量矣民國二十五年丙子寒食節騰源書于吳門曲石精廬

本書及著者考略

【四庫全書總目提要卷一百四十五】吳都法乘十二卷兩淮鹽政採進本明周永年撰永年有鄧尉聖恩寺志已著錄是書皆輯吳中釋氏典故分十二篇

【吳江縣續志藝文目一】吳都法乘十二卷周永年撰

【顧湄虎邱山志纂修姓氏】周永年字安期吳江人著虎邱山靈巖寺合志

【殷增松陵詩徵前編小傳】周用字行之號白川弘治壬戌進士累官吏部尙書謚恭肅有恭肅公集周永年字安期尙書用曾孫諸生有懷響齋集

【錢謙益周安期墓誌銘】故太宰吳江周恭肅公有曾孫二人曰永年字安期宗建字季侯與余俱壬午生以書生定交余與季侯同舉萬曆丙午相繼中甲科季侯入西臺忤奄拷死賜謚忠毅而安期爲老生自如季侯歿安期視余兄弟之好益親故余知安期爲詳余初交安期才名驚爆不自矜重攢眉摩腹輪寫情慄久與共居而不能捨以去其待後生門下士亦然諸公貴人聲跡擊戛爭羅致安期安期披襟升座軒豁談笑

不爲町崖卒亦無所附麗邦君大夫虛左延佇箋表撰述必以請材官小胥錯跡道路間值諸旗亭酒樓捉敗管捨寸幅落筆聲簇簇然緣手付去終不因是有所陳請以是知其人樂易通脫超然俚人勝流也爲詩文多不起草賓朋唱酬離筵贈處絲竹喧闐驪駒促數筆酣墨飽倚待數千百言旁人愕眙驚倒安期亦都盧一笑以是歎其敏捷而惜其不能深思徒與時人相聘逐也父季華府君薦老安期扶持如嬰兒與二弟踐更侍寢以終其身哭季侯也過時而悲二弟善小詞工畫出以示余喜見顏面不啻身爲之也家世奉佛王母薛夫人禪定脫安期稟承父叔刻藏飯僧誓終紫柏付囑窮老盡氣若營其私蓋能以佛脩梵行稱其家風者也晚年撰吳都法乘百餘卷蠶簡蠻翰搜羅旁魄其大意歸宗紫柏一鐙標此土之眼目又以其間排纒掌故訪求事務庶幾所謂用我以往者弘光南渡詒余書數萬言條列東南戰守中興建置事宜鑿鑿可施用余將疏薦而未遑也亂後移家西山與余執手噓噉酒半脫帽垂頂童然顧影長歎以謂老可踐而死可賞也丁亥八月發病不汗卒無子以季弟之子人牧爲後生四女

皆適十一人與其妻沈氏合葬吳縣之藤簪山既葬弟永言永肩泣而言曰吾兄已矣其生不獲以功名顯有志于文章禪悅皆有緒言而未竟也夫子其何以表之使其無憾于土中乎余曰安期學道人也功名之與文章其能立與否皆有命焉我知其無餘憾也安期植善根深矣佛言食少金剛終當穿骨安期之食金剛不爲少矣雖未終正定所有善根不唐捐不淪墜佛有要言可無疑也而吾與子何足以知之姑略次其生平以志于甘香又長言以爲之詞庶幾并寫余之所以哀安期者其辭曰歲在敦牂兮三人以降先弱一一個兮碧血如虹惟我與爾兮晚晚過從俛仰昔游兮颯如雨風吳趨清嘉兮宛雒雍容春明柳市兮夕陽花宮染翰未慙兮酒杯不空浮圖轟天兮長橋漂紅梵志歸來兮皤然兩翁又俾我獨兮如蹶失留斯詞告哀兮歸命法幢長夜一燈兮庶吾子之不夢

中華民國二十五年四月釋範成謹錄

-

1

吳郡法象總目

第一卷 始興篇

第二卷 顯聖篇

第三卷 丰滿篇

第四卷 應現篇

第五卷 襲燈篇

上之上 上之下 卷

第六卷 開寶篇

上 中 下

第七卷 逸格篇

第八卷 禪藻篇

第九卷 表刹篇

第十卷壇宇篇

上之上

上之下

卷下

十一卷像設篇

十二卷道影篇

十三卷弘通篇

十四卷結集篇

十五卷禮誦篇

十六卷唄讚篇

十七卷流音篇

十八卷亘照篇

十九卷靈祐篇

二十卷崇護篇

二十一卷侶淨篇

上
中
下

二十二卷懃寂篇

上之上
上之下
下之上
下之下
中

二十三卷儲供篇

二十四卷普慈篇

二十五卷

清信篇
及佛篇

二十六卷倡緣篇

二十七卷提策篇

二十八卷逆行篇

二十九卷襍舉篇